

N E P O T I S.

V. (Cl. Laurentio Pignorio, atque is mecum communicavit) intelligo, natum fuisse Nepotem in *Hostilia*: qui Veronenſium vicus est, Tacito, Plinio, Cassiodoro, & Antonino in Itinerario memoratus, hodieque Ecclesiasticæ Veronenſium jurisdictioni subditus. Historicus hic *Ciceronis amicus familiaris* a Gellio vocatur lib. XV. c. XXVIII. *Chronica* scripsisse, testis est idem Gellius lib. XXVII. cap. XXI. In his pro triplici tempore αἰδήλων, μυθικῶν καὶ ἱστορικῶν, (de quibus ex Varrone & aliis, libro de arte historica diximus) tres videtur scripsisse libros, ac singulis unius temporis narrationem esse complexus. Sane tres libros fecisse Nepotem, quibus omne ævum comprehenderit, liquido testatur Catullus initio Hendecasyllaborum. Nec historicum tempus ab eo solum esse tractatum, indicio est illud Aufonii: *Apologus Titiani, & Nepotis Chronica, quasi alias apologos nam & ipsa instar fabularum sunt*) ad nobilitatem tuam misi. Item ex eo, quod Tertullianus in Apologetico adversus gentes (ubi eum inter antiquitatum commentatores discretim reponit) dicit haud aliud Saturnum, quam hominem, promulgasse. Quod etiam Lactantius tradit lib. I. c. XIII. Reliquit præterea *libros illustrium virorum*, quorum Gellius meminit lib. XI. cap. 8. & Servius in 1. Æneid. Eorum librum 1. 15. & 16. citat Charisius. Ex his habemus viginti duos exterarum gentium imperatores. *Cæteris libris egisse de Romanis,*